



Republika e Kosovës
Republika Kosova-Republik of Kosovo
Komuna e Vushtrrisë
Opština Vučitrn – Municipality of Vushtrri



Bazuar në nenin 13 të Udhëzimit Administrativ Nr 03/2020 për Transparencë në Komuna, dhe nenin 5 par. 1, nenin 7 par. 1 pika 1.2 të Udhëzimit Administrativ Nr. 06/2018 për Standardet Minimale të Konsultimit Publik në Komuna, me datën 17.01.2023 ipet ky:

NJOFTIM
PËR KONSULTIM PUBLIK

Komisioni komunal e publikon për konsultim publik Draft - Rregulloren për Ndarjen e Bursave për Nxënës/Student dhe Shpërblimeve për Nxënës/Student të Komunës së Vushtrrisë.

Konsultimi publik do të zgjasë nga data 17 janar 2023 deri më 16 shkurt 2023.

Ju bëhet ftesë qytetarëve, OJQ-ve, shoqërisë civile dhe të gjithë të interesuarve tjerë që gjatë kësaj periudhe kohore të i paraqesin sugjerimet, propozimet apo komentet në Draft-Rregulloren e sipërshtënuar, në adresën elektronike: xhavitmehmeti@hotmail.com.

Ju njoftojmë gjithashtu se me datën **10 shkurt 2023 (e premte)** do të mbahet takim publik me qytetarë lidhur me Draft rregulloren në fjalë në të cilën mund të paraqiten propozime për ndryshim apo plotësim.

Takimi publik do të mbahet në sallën e kuvendit të komunës me fillim në ora 11:00.

Në linkun e faqes zyrtare të komunës mund të gjeni Draft Rregulloren për Ndarjen e Bursave për Nxënës/Student dhe Shpërblimeve për Nxënës/Student të Komunës së Vushtrrisë

Mirëpresim pjesëmarrjen në këtë takim publik.

Komisioni,

- 1.
- 2.
- 3.



REPUBLIKA E KOSOVËS - KOMUNA VUSHTRRI
KUVENDI I KOMUNËS



RREGULLORE
PËR NDARJEN E BURSIVE PËR NXËNËS/STUDENTË, DHE SHPËRBLIMEVE PËR
NXËNËS/STUDENT TË KOMUNËS SË VUSHTRISË"

Vushtrri, Janar 2023

Bazuar në nenin 12, paragrafi 2 pika 'c', në lidhje me nenin 1.7 pika "s" të Ligjit Nr.03/1-40 për Vetëqeverisje Lokale, dhe nenit 19 paragrafi 1 pika 1.3 të Statutit të Komunës, Kuvendi i Komunës së Vushtrrisë në mbledhjen e mbajtur më _____ 2023 miraton këtë:

**RREGULLORE
PËR NDARJEN E BURSIVE PËR NXËNËS, STUDENTË, DHE SHPËRBLIMEVE
PËR NXËNËS, STUDENT TË KOMUNËS SË VUSHTRRISË**

DISPOZITAT E PËRGJITHSHME

**Neni 1
Qëllimi**

1. Me këtë rregullore themelohet baza juridike për ndarjen e bursave dhe shpërblimeve për nxënës dhe studentë, banorë të Komunës së Vushtrrisë.

**Neni 2
Fushëveprimi**

1. Kjo rregullore përcakton raportet juridike të ndarjes së bursave dhe shpërblimeve në mes të nxënësve, studentëve të komunës së Vushtrrisë.

**Neni 3
Përkufizimet**

Përkufizimet në këtë rregullore kanë këtë kuptim:

1. Bursë- është pagesë pa kthim e parave që jepet për të mbështetur arsimimin e nxënësve dhe studentëve në bazë të arritjeve të tyre mësimore dhe akademike.
2. Shpërblim- është pagesë pa kthim e parave që jepet nxënësit dhe studentit i cili ka arritur rezultate të larta në fushën e dijës, shkencës, gara komunale, regjionale dhe ndërkombëtare.
3. Nxënës- një person i cili i ndjek mësimet e institucione arsimore të arsimit para-universitar (fillor, i mesëm i ultë, i mesëm i lartë).
4. Student- është një person i cili studion në një institucion të arsimit të lartë, kolegji apo universitet.

Neni 4 Bursat

1. Bursa u jepen nxënësve të arsimit para universitar për një vit shkollor, si dhe studentëve për një vit akademik të studimeve.
2. Përfitues të bursave janë nxënësit, si dhe studentët e nivelit bachelor, master dhe PhD, banorë të Komunës së Vushtrisë, që studiojnë brenda dhe jashtë vendit.
3. Bursa mund të përfitojnë vetëm studentët që nuk janë përfitues të bursës apo pagës nga institucione tjera që financohen nga buxheti i Kosovës.
4. Drejtoria përkatëse i propozon Kryetarit të Komunës numrin bursave për nxënës/studentë, shumën e parave për një bursë, profilet arsimore dhe fushat e studimit për të cilat ndahen bursat, sipas planifikimit buxhetor.
5. Për fillimin e vitit shkollor/akademik të dhënies së bursës, vendosë drejtoria përkatëse, por jo më vonë se në vitin e dytë shkollor apo të studimeve.

Neni 5 Shpallja e konkursit për bursa

Drejtoria përkatëse i zhvillon procedurat për shpallje të konkursit për bursa, pas nxjerrjes së vendimit nga kryetari i komunës, në harmoni dispozitat e kësaj rregulloreje.

Neni 6 Kriteret vlerësuese për ndarje të bursave

1. Kriter për vlerësim të ndarjes së bursave merret nota mesatare, me përparësi nga nota më e lartë.
2. Në kushte të njëjta të notës mesatare, përparësi u jepet nxënësve dhe studentëve me gjendje të rëndë sociale që janë:
 - 2.1. fëmijë të dëshmorëve;
 - 2.2. fëmijë të martirëve;
 - 2.3. fëmijë të invalidëve;
 - 2.4. fëmijë të veteranëve;
 - 2.5. fëmijë të ish të burgosurve politik;
 - 2.6. fëmijë të familjeve me asistencë sociale.

Neni 7 Dokumentet e nevojshme për konkurrim

1. Dokumente të nevojshme që kërkohen për të garuar për bursë janë:

- 1.1. dëshmia e regjistrimit të klasës/vitit të studimeve me certifikatën e provimeve;
- 1.2. dëshmia se është banor i Komunës së Vushtrrisë;
- 1.3. dëshmia se nuk merr bursë apo pagë nga buxheti i Kosovës;
- 1.4. dëshmia se është fëmijë i dëshmorit, martirit, invalidit të Luftës të UÇK-së, veteranit të Luftës së UÇK-së, ish të burgosurit politik, dhe se është nga familja me gjendje të rëndë ekonomike-sociale.

Neni 8

Komisioni për ndarjen e bursave

1. Kryetari i Komunës nxjerrë vendim për emërimin e komisionit 3 anëtarësh për ndarje të bursave.
2. Kryetari dhe një anëtar i komisionit duhet të jenë zyrtarë nga Drejtoria Komunale e Arsimit, ndërsa anëtar i tretë një jurist me përvojë nga administrata e komunës.

Neni 9

Detyrat e komisionit

1. Komisioni mblidhet me ftesën e kryetarit të komisionit, më së largu 5 ditë nga mbyllja e konkursit.
2. Kandidatët që nuk i plotësojnë kushtet e kërkuara sipas konkursit, eliminohen nga gara.
3. Përzgjedhja e kandidatëve bëhet sipas dispozitave të kësaj rregulloreje.
4. Pas përfundimit të përzgjedhjes, jo më larg se 5 ditë nga dita e mbledhjes, komisioni i publikon rezultatet në tabelën e publikimeve, në web-faqen të Komunës.

Neni 10

Komisioni i ankesave

1. Kryetari i komunës nxjerrë vendim për emërimin e komisionit ad-hoc tre anëtarësh me mandat një vjeçar (për vitin shkollor/akademik) për shqyrtimin e ankesave, i cili vendim publikohet të web-page të Komunës dhe në tabelë të shpalljeve.
2. Anëtarët e emëruar të komisionit janë nga radhët e zyrtarëve të administratës së komunës (me përvojë), nga të cilët një jurist, një zyrtar nga Drejtoria Komunale e Arsimit, dhe i treti po ashtu nga administrata.

3. Anëtarë të komisionit të ankesave, nuk mund të jenë anëtarët e komisionit që kanë marrë pjesë në ndarjen e bursave.
4. Komisioni është autoritet vendimmarrës, përfundimtarë i çështjes, ndërsa vendimet i merr me shumicën e votave të anëtarëve.
5. Vendimet në emër të komisionit i nënshkruan kryetari i komisionit në katër fleta origjinale, të cilat iu dërgohen nga një; kryetarit të komunës, komisionit për ndarje të bursave, palës që është ankuar dhe arkivit të komunës.

Neni 11 **Procedurat e ankesave**

1. Afati për ankesa është 8 ditë nga dita e shpalljes së rezultateve për përfitues të bursave.
2. Çdo kandidat i pa kënaqur me rezultatin e komisionit për ndarje të bursave, gëzon të drejtën e ankesës pranë komisionit të ankesave, sipas pikës 1 të këtij neni.
3. Pas kalimit të afatit për ankesa, Drejtori i Arsimit i nënshkruan kontratën me ta.

Neni 12 **Obligimet kontraktuale**

1. Kontrata nuk e obligon komunën t'i punësojë përfituesit e bursave pas mbarimit të shkollimit-studimeve të tyre.
2. Kontrata nuk obligon përfituesit e bursave t'i kthejnë paratë Komunës së Vushtrrisë.
3. Kontrata obligon përfituesit e bursave t'i përgjigjen DKA-së, sa herë që DKA-ja kërkon dokumente që përcjellin nivelin, vijueshmërinë dhe cilësinë e mësimave-studimeve.

Neni 13 **Shpërblimet**

1. Përfitues të shpërblimeve janë: nxënësit të cilët arrijnë rezultate të larta në fushën e dijës, teste të arritshmërisë, test të maturës, si dhe gara të ndryshme që i organizon Drejtoria Komonale e Arsimit.
2. Nxënësit dhe studentët të cilët arrijnë rezultate në gara regjionale dhe ndërkombëtar

Neni 14

Shpërblimet e nxënësve dhe studentëve

1. Shpërblime u jepen nxënësve të cilët tregojnë rezultate të larta në mësim, teste të arritshmërisë, maturës, gara komunale dhe ndërkombëtare, si dhe studentëve të cilët tregojnë rezultate në gara ndërkombëtare.
2. Drejtoria Komunale e Arsimit, cakton lëndët garuese, klasat, kohën dhe vendin e mbajtjes së garave, si dhe ekipin komunal të mësimdhënësve, i cili i përgatit dhe i udhëheq garat komunale.
3. Nxënësi i cili në gara individuale si dhe në ekip zë njërin nga tri vendet e para (vendi i parë, vendi i dytë dhe vendi i tretë) Për tri vendet e para (vendi i parë, vendi i dytë dhe vendi i tretë), nderohet me mirënjohje, dhe shpërblim me një shumë motivuese të parave që e cakton Kryetari i Komunës.
4. Nxënësi me arritje të larta në mësim në nivel komune, (nxënësi më i suksesshëm në komunë) nderohet me mirënjohje, si dhe shpërblehet me një shumë motivuese të parave që i cakton Kryetari i komunës, ose me disa ditë pushim në bregdet / turizëm malorë.
5. Drejtoria Komunale e Arsimit siguron transportin, ushqimin dhe pijet për nxënësit dhe mësimdhënësit të cilët marrin pjesë në gara.

Neni 15

Garat e shkathtësive

1. Garat komunale të shkathtësive në sport, muzikë, art dhe fusha të tjera mund të organizohen nga Komuna sipas planit të punës të Drejtorisë Komunale të Arsimit.
2. Shpërblimet për gara të shkathtësive janë si në nenin 14 pika 3 dhe 4. të kësaj rregulloreje.

Neni 16

Dispozitat kalimtare dhe shfuqizuese

1. Me hyrjen në fuqi të kësaj rregulloreje shfuqizohet Rregullorja për Ndarjen e Bursave dhe Shpërblimeve për Nxënës të Komunës së Vushtrrisë, 01 Nr. 95/20, datë 28.05.2020.

Neni 17

Hyrja në fuqi

1. Kjo rregullore hyn në fuqi pesëmbëdhjete (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal. si dhe 7 (shtatë) ditë pas publikimit në faqen zyrtare të Komunës së Vushtrrisë.

Melihate Basholli-Latifi
Kryesuese e Kuvendit